

thesiam essem ingressus, Hispani quidam Leusi sunt me remorati, & laetiores nuncij qui è Flandria quotidie adferebantur rem mitescere. Nam nusquam supra octo dies saevit. Accipies à Valdaura meo librum de concordia scriptum à me proxima estate, dum me horum temporū miseret: Et quando remedium tot malis adferre nequeo propter imbecillitatem virium, chartis saltem animum meum testor. In quo vno me consolor, & utacunque acquiesco. Vale.

Vives Antonio Barchero suo S.

Lampridem nullas abs te accipio literas: ego verò binas ad te dedi eodem exemplo, de quibus nihil addubito, quin alteræ saltem sint redditæ, quæ erant bene longæ, & multis de rebus, ni fallor, quæ ipse cupiebas cognoscere. Interea fuit incredibilis p̄tur-

F ij batio